

廣德州志卷三十六

人物志 義行 隱逸 高賢 方技 仙釋

義行

睦嫻任郵重於周官昔人指困分金所以風高千古也桐郡風氣淳樸修士立名匹夫慕義亦足以敦古處而振頽風有美必揚載筆者之責也爰於舊登者仍之續採者增之

宋

王機字仲達建平人其先宛陵人建炎兵訌徙家建平仗

廣德州志

卷三十六

義行

一

義好施賑卹宗族歷官修武郎嘉定八年歲饑部使者真德秀貽帖易粟機慨然應之通志溪南地洿沈竈機載

粟往哺民全活甚衆以其尙濮王嗣永康縣主稱為王

駙馬云楊志

明

步祖一富而好義當塗采石山有英烈廟宋建以祀虞忠肅公允文者歲久頽敝成化辛卯知太平府施奇欲改爲未果祖一聞之以銀百兩往助遂構材興工廟貌一

新見彭時修廟記據南畿志增

東郭老人家貧業賤僻居窮巷體無完衣晨起汲水見道傍遺囊拾歸俄聞有徽商譁訟索於逆旅老人曰子遺囊於道余得之彼何咎挈而授之約二百餘兩封識宛然商德之酬以半老人曰余無銀猶故我也汝無銀將無歸且余既不欲得何以半為或曰老人名君附王其姓也楊志

步顯四三十一都義民出銀五百兩建明倫堂萬曆志性好

施歲款代完逋稅賑濟貧民嘉靖十四年知州朱麟獎曰常賙一州之稅屢賑饑荒之民贈匾曰先義貸賦季志

廣德州志 卷三十六 義行 二

趙杰三十七都義民頗好文墨居喪不入私室萬曆志

案萬曆志載義民止步趙二人楊門志皆逸之今能列於此

許異凡庠生郡每歲徵糧南北兌運例於櫃里僉點漕額深為民病異凡赴院痛陳弊害數年不得歸家資幾盡兩院疏請得免勒碑州治前至今賴之季志

龔某舊志失載名字捐地十三畝零為儒學基址有舊碑在學宮

其先世本明初宦家事載州人盛於德舊志評本季志

駱憲德號清溪嘉靖庚戌江南大饑詔募民出粟助賑憲

德應詔創捐鄉閭獲濟州守莊以聞賜冠帶據駱氏譜增

張大化字汝誠幼聘管世儒女既而女以痘瞽世儒請張

別議婚父母將許之大化甫十歲持不可曰瞽在聘後

是兒命也況瞽女既退誰復娶之耶父母聽其言及成

婚伉儷甚篤數十年愛敬不衰隆慶辛未知州鍾表其

義據張氏譜增

姚啓宗字午明建平人庠生母病不解衣者浹二旬篤學

好義見人冤抑不惜破產申雪之有誣陷大辟者啓宗

仇也啓宗力為解釋有姚聞四者負啓宗五十金欲鬻

廣德州志 卷三十六 義行 三

妻以償啓宗亟焚其券生平著述亦多通志楊志

王應篤字時敏建平人家貧好義里人有貸金娶妻者生

子十歲矣不能償欲鬻子償之應篤焚券不復索歲饑

出穀二百石以賑鄉人通志

許煉任樂平縣尉嘗拾金還人捐產膳弟萬歷選舉志

黃時濟徽州歙縣人商於建平見衢路泥濘行旅苦之萬

厯丁丑鳩工伐石北自樸樹巷抵竹墩灣南自鎮山麓

抵港橋園延袤數百丈發砌平密費不下數千緡中建

二亭召僧居之捨田收息以備茶薪俾勞者息渴者飲

焉邑民有鬻妻償債者捐貲全之野死者給槥邑令劉萃義之爲作永惠亭記勒石縣志

沈通字子達誠樸人也萬曆庚辰歲惡出廩粟減價以糶爲粥飼餓者郡多盜臺使倣周官鄉士遂士法鄉署一人使督捕衆推通既受事盜相戒不入所部據沈氏譜增

沈應洲字斗南磊落有智畧明季賦重應洲自鄉遷城挾貲服賈山左崇禎戊辰州判某運顏料銀赴京途遇盜畱滯濟寧應洲卽傾囊中四百餘金贈之後應洲回里州判具酒勞之西門外濯纓橋且酬以子母應洲堅却

廣德州志

卷三十六

義行

四

之友盧某貨多金焚其券其尙義類是據沈氏譜增

史大典字惇甫建平人父志尹早卒事節母宗六十年以

孝聞性澹仕進邑有義舉每爲倡率崇禎十年捐三千

金重建學宮又置學田五十畝咨部議給其子習孔補

博士弟子員兩與鄉飲乾隆十七年邑令貢祠祀之據縣志稿

國朝

周本蘭建平人居家孝友明末歲歉本蘭出五百石助

賑里有不能輸賦者代之縣令栢肯堂申院旌獎李志

夏璿暘字睿甫建平人性好周濟順治八年旱輸穀五百石全活者衆學博蕭松齡以優行詳請給獎璿暘力辭不受著有繼眉詩文行世

季志縣志

程應桂建平人爲邑掾乙酉兵亂知縣杜鶴年家口百餘應桂多方匿之獲全初鶴年知事不可爲攜孤孫付應桂曰事勢至此吾必不免茲以一塊肉託子應桂許諾後鶴年被殺護其孫與主婦還關中邑令張正中顏其居曰義高千古

通志縣志

李邇泰貢生事繼母盡孝鄉賢祠圯獨力建造有貧不

廣德州志

卷三十六

義行

五

能婚嫁者邇泰代爲完娶凡五姓戊子歲稔設厰施粥全活甚衆死者施棺湖峴山多暴骨歲捐貲收埋之好善樂施四十年無間

季志

濮陽遇峇字君煥家庭雍睦非公不謁有司時嚴容匿逃匪之法株連甚衆遇峇備陳其狀於制府卽公公躋之爲寬其坐族有鬻妻償官帑者遇峇爲代償之全其夫婦籲免地畝羨征歲歉出粟賑饑康熙十二年舉優

匾獎之曰人倫之表

季志

趙先簡字公從剛直廉介凡請建學宮及有益地方之

興作先簡輒先爲之不避勞苦康熙甲辰舉優

李志

王邦字燁先由貢生選鴻臚寺主簿逢歲稔捐穀至數千石又施棺木修義塚牆垣樂善好施至老不倦督撫三加旌焉卒年八十三

李志

濮陽緒字緒人貢生性醇厚好施已債貧佃負租不取者先後計數千石凡興作有利地方者贊襄當事竭貲任勞無倦意康熙六十一年歲稔緒出穀賑饑多所全濟雍正二年例許郡邑人文較盛者廣入學額數衆皆觀望緒毅然倡之道路往來之費盡出一人得增廣五

廣德州志

卷三十六

義行

六

名人才奮興緒有力焉

李志

烏方新字文若建平人庠生與伯氏同居五十年無間生平謹言行審取與有遺橐於園側者書榜召其人還之曾與鄉飲人以古君子稱之

李志

王之詔字嘉論建平人好義樂施親族不舉火者指困贈之年饑減穀價貫貸不吝里有訟一言輒釋有王彥方之風

李志

宗瑛字鼎光建平人貢生父早逝諸季皆幼撫之成立柝產纖粟不私置田宅以供祠祭惠族衆兩遇歲歉出

米千六百石有奇爲粥以食餓者他如文廟義學義倉
浮橋渡口圩堤皆悉心經理置產以供歲修季志

方珍建平人年二十五失偶一子一女呱呱待哺人勸
之續娶珍曰吉甫放伯奇仲舒放符起豈未聞與終身
不再娶年八十六卒季志

周明徵字聖謨歲儉出米以賑州守高額曰施濟有功
學宮將圯堪輿家謂巽方秀氣不聚與丁龍風火不相
濟守欲因修學并創建三台閣於其左慎擇董事者衆
推明徵不數月告成繼葺州廳事半載亦竣守甚重之

廣德州志

卷三十六

義行

七

後署守謝洪舉鄉飲復以恩隆憲乞獎之周氏譜

張家麟字兆聖篤於孝友好施不倦里有沈某將賣妻
償逋議既定夫婦相持慟哭家麟聞之往讓其媒立贈
以金事遂寢有黃姓將鬻子家麟遺之金并常賙其乏
子得成人學正許南宮爲立傳張氏譜

沈龍紱字復初庠生例貢乾隆辛未郡饑龍紱與弟庠
生燾鬻產賑粥丙子又饑兄弟復捐賑之自春初訖麥
秋約費千金州守帥嘉其義行上之撫軍高給額曰惠
周里黨丙子之賑高元桐亦鬻田以佐適有楊某將賣

妻償責元桐聞之卽以直代償夫婦獲全

公舉下同

沈霖國學生慷慨好義乾隆丙子歲饑霖捐米二十四石乙巳旱災又捐六十石州守穆給額獎之又出錢三十千助修文廟子炳庠生

王來儀字鳳威好善樂施乾隆丁亥歲稔來儀捐米二十五石助賑復多方勸募以資接濟州守張以功同袁佐獎之

沈綱字惇三衡之子國學生喜讀書慷慨好義乾隆壬申己丑乙巳連遇饑疫倡捐賑米施棺城南潘老一子

廣德州志

卷三十六

義行

八

痘危貧不能治綱資以醫藥東城方老死妻窘於債將鬻養媳以償綱立與三十金止其事方所居舊鬻於綱并焚其券郡倅左額曰積善餘慶正誼書院苦湫隘綱請於前守石卽明舊學基別建卽今復初書院也工鉅費繁值歲稔綱常以己資濟之比落成以焦勞成疾卒史郁建平人太學生孝事孀母年二十四喪耦遂不復娶性行端慤訓後有方乾隆三十七年年八十五以義夫詳請學使朱獎曰烏鼓鶴琴踰年卒

縣中

附

陳益先弟樹澄俱監生其父嘗諭之曰州人罕儲蓄遇荒則運糴維艱米輒騰貴汝等餘貲但多市穀凶年可平價出糶兼濟闔里之貧乏者故其家積穀頗豐乾隆乙未郡旱災益先兄弟捐米百四十餘石煮賑兩月薪工錢幾百千州守趙勒姓名于旌善亭乙巳又大饑益先樹澄捐米三百五十石直千餘金錢五十千凡捐賑在三百兩以上例得議敘乾隆五十七年州守胡遵憲開報履歷詳請核奏此外乙未捐米以石計者雲克凝戈以寧范文遂各二十五步居易二十高瀨十七裴元

廣德州志

卷三十六

義行

九

宰邱岳呂音各十二許占榮十一沈綱錢壽濮陽緒趙文炎裴一新張宗昉王廷和王得會王士恒沈蔡及典舖各十皆列名旌善亭時有王元明者僅有田五畝悉鬻以助賑人尤難之州守趙州判左獎以額曰義切鄉閭好善可風盧元傑亦出米以助乙巳捐賑則戈于上出米七十石元傑又捐賑月餘州守穆贈以惠盈里開

匾

王以寧字馨伯監生乾隆丙戌疫作倡施棺丙申饑倡捐煮賑州判左獎以樂善不倦善琴曉音律學正朱延

教份生焉

張覲字方伯監生善事後母致敬寡嫂乾隆辛丑捐建復初書院百金并助修 文廟先是丙申歲稔賑濟一月州守楊獎曰德溢鄉閭西鄉金剛嶺險峭砌以石所費二百餘兩行旅便之又建石橋於百畝坪之溪

李可升建平人捐布政司經歷銜乾隆乙巳歲饑捐銀三百六十兩助賑又廩生王以智捐銀三百二十兩五十七年州守胡奉藩司行查遵例開報詳請議敘

王兆鵬建平人監生自幼孝事繼母既壯父病瘵繼母

又癡侍奉九載無頃刻離又性好施乾隆乙巳饑出米倡族捐賑邑令畢以孝友仁慈匾獎之

隱逸

視軒裳如草芥屏嗜慾若泥沙斯其人視逐逐紅塵者遠矣桐之以隱逸著者宋以來間有之李志列之列女後謬也

宋

張介紹聖時人隱居城北不干榮進郡守孫諤慕其名禮之每訪以政要酌唱終日以詩贈之有竹林歲月讀書家之句嘗欲疏其學行薦於朝介固辭不就楊志

趙平叔咸淳中人隱居城西琴山側樂松竹泉石之勝吟

廣德州志

卷三十六

隱逸

十一

咏自適構一樓以縱眺望殿院章重之題曰萬山樓庚

子郡大饑發粟助賑全活者衆人稱爲潛德君子楊志

元

湯子真家貧力學隱居求志行式鄉間學型士子錢尙書

一用壬出其門當時以爲用壬之學皆其師造就之功楊志

盧志賢至元中隱居林下不干仕進清修峻節當時稱重

楊志

明

甯時字際之號愚谷郎中珂曾孫也性磊落不羈作詩文

口占令人書之不加點竄悉抒妙蘊從學宣城沈耕巖
沈曰甯子始而博其學無所弗函既而抑其才一求諸
道因貽書楊維斗欲薦諸朝不就隱於義蒼山中從遊
者甚衆著有尙書說洪範解論語口授講義屈辭疏指
季志

張榜字子賢至性孝友食必思親喪必依靈尺帛不以自

私歷膺臺獎隱居青石山賦詩以終餘年

楊志

呂仲修字祖生建平人爲諸生以醇謹稱崇禎庚辰廷試
特賜進士授四川樂安知縣道梗謝官歸悠悠田間甘

廣德州志

卷三十六

隱逸

十三

茹淡溥未嘗以一刺謁公庭士論重之

楊志

國朝

戈琮字耦蒼黜華敦實嗜讀書澹於進取援例入太學
五十後足跡不入城市姻黨見者輒問學業奚似交遊
何人當意則喜或畱款竟日否則默然由是人咸敬憚
之子溱以名諸生充貢琮之教也琮年七十二卒著有

見山樓詩集

公舉

寓賢

名賢游歷所經山川借以增色後世傳為美談蓋以其人之德業聲望卓著千秋稽古者重其人兼重其地焉郡多佳山水唐宋來高士名流每於此僑寓因即舊志所登訂訛補漏用資考信焉

唐

張志和本名龜齡浙江金華人出明經擢第獻策肅宗深蒙賞重令翰林待詔授左金吾衛錄事參軍改名志和字子同尋貶南海尉不願之任遂扁舟垂綸自謂烟波

廣德州志

卷三十六

寓賢

十三

釣徒又號元真子大曆九年秋訊顏真卿於湖州真卿以舴艋既敝請命更之答曰倘惠漁舟願以為浮家泛宅沿沂江湖之上往來菴書之間野夫之幸矣顏真卿撰元真

子嘗寓於州北二十五里築臺溪水之旁釣以適志意

不在魚後人重之因名其地為釣臺萬曆志

案萬曆志此下有郭師從乃吳越將破廣德者不可言寓今移入兵寇

宋

王謙宛陵人建炎間避兵徙建平高蹈不仕子浩亦有隱

德浩子機官修武郎繼娶濮安王第四女永壽縣主機子元龍壽侏元剛元袞並肄進士業一門孝友及尙主士論艷之萬歷志

案建平寓賢萬歷志列伍員王謙二人縣志以伍非流寓因與王俱附名宦後不另為卷至王機子元龍等四人楊門及縣志俱云並登進士而選舉志無之惟王廷袞開禧進士疑廷為元之訛而其傳又並不云是機子詳核萬歷志原文乃言元龍等並肄進士業也其始妄為刪竄其繼相沿訛陋遂至自相矛盾

廣德州志

卷三十六

寓賢

十四

而不顧可歎也

潘承字子輔大名人韓國武惠公美之元孫元符進士除館職為時宰所忌引退建炎初起為大理評事扈蹕南渡居杭州紹興四年避兵建平遂終老焉從子良貴紹熙時中書舍人亦寓居建平後徙婺州據縣申稿增

盛瑞字晉祥宣和間進士紹興中愛不老泉之勝卜居焉通志

案萬歷志失載盛瑞而有王十朋謝深甫皆道經廣德南宋建都臨安道出獨松苦嶺者不一而足烏得

爲僑寓今刪

景明襄陽人由孝廉任浙江明州教授訓士有方紹定時擢知江陵縣挈眷赴任道經建平素善吳應龍過訪之會父沒旅舍遂葬於邑之東郊終身守墓今景史村其

故居也

據縣申稿增

趙時晦寓居廣德死元兵之難通志

明

倪原字本立號竹簡翁湖廣人洪武初任廣德判後寓居

南碕湖東善吟咏有詩稿傳世萬曆志

廣德州志

卷三十六

寓賢

十五

錢德洪名寬字德洪後以字行改字洪甫餘姚人學於王

守仁時四方士踵至德洪與王畿先爲疏通大旨而後

卒業於守仁嘉靖七年偕畿赴廷試聞守仁訃至貴溪

終心喪後成進士累官刑部郎中尋被廢周遊四方講

良知學爲人所宗穆宗朝復官進階朝列大夫學者稱

緒山先生

明史本傳

德洪遊學廣德寓復初書院

楊志

王畿字汝中山陰人弱冠舉于鄉跌宕自喜與錢德洪同

學於王守仁後同第進士累官兵部郎中尋被廢益務

講學足跡徧東南善談說能動人所至聽者雲集學者

稱龍谿先生明史本傳畿來會復初書院與鄒東廓講顏子

不遷怒不貳過曰心常定故不遷心常一故不貳以醒

後學楊志

王艮字汝止初名銀泰州人學于王守仁守仁為更名早

年讀書止孝經論語大學信口談說中理解及從守仁

門弟子率多爵位艮以布衣抗其間聲名反出諸弟子

上門徒之盛與王畿相埒學者稱心齋先生陽明學派

以龍谿心齋為得其宗明史王畿傳艮言笑不苟篤信好學

來從東廓游講學復初書院楊志

廣德州志 卷三十六 寓賢 六

沈寵案舊志字畏思案龍谿集號古林宣城人學貫經史

來從鄒東廓王畿錢德洪游講明理學領嘉靖鄉薦仕

至廣西布政司參議著有古林摘稿子懋學萬厯間官

修撰從孫壽民字眉生為諸生有聲崇禎九年保舉入

都疏劾兵部尚書楊嗣昌嘗作桐溪會引參明史楊志

戚袞字補之號竹坡先世祥符人南渡家宣城補郡庠生

遂精于易鄒東廓判廣德時袞從之遊嘉靖間以選貢

任項城知縣政成以疾致仕嘗著動靜知行中和臆說

於師說多所發明王畿為誌墓據龍谿集增

案州署禮科有舊存祀冊內載前明復初書院爲鄒文莊講學所當時從學者有南京國子司業周友之順天府通州判官施之修南京戶部郎中濮致昭高郵訓導張子卿以上四人惟周友之無餘詳傳及選舉志涇邑廩生張士儀本郡李性甫鄭國忠張子賢儒學每歲春秋丁日致祭文莊以諸賢附祀今二丁專祭文莊諸賢附祀久廢特附於此以俟博考

王豫字介夫浙江烏程人萬曆丁丑進士官至福建按察司僉事免歸講學桐川著周易翼一書方演艮卦而逝

廣德州志

卷三十六

寓賢

七

據經義考增

方技

曲學小道致遠者所弗爲然其濟世利物效亦可觀
桐之精藝事者僅矣舊志遂闕今畧採姓名補之

宋

洪德風精天文家州有汪九成者庚寅生於隆興二年上
元甲申歲正月作坤申方犯太歲月破月入中順行壬
申金加臨其方尅庚刑寅金冲木命當月暴病至夏漸
重八月人道轉到坤申遇德風修報此方以本命主日
主命宮主曜氣中避仇難趨恩福用神內調赦解到方

廣德州志

卷三十六

方技

六

位秋分中局一宮甲子逆遁甲申八艮庚寅二坤以艮
加坤乾六山地剝六二己巳宮五坤六四丙戌父在乾
六五丙子子在兌上九丙寅才到艮順遁乙奇在坤以
艮加坤八白生門在坤申歲入中順遁本命祿馬甲申
陽貴戊寅食祿辛亥俱在坤月入中順遁本命陰貴壬
午五坤得令當權癸酉月選辛未開日生氣在坤選庚
寅時比助身強月德五坤辛未日以庚寅爲陽貴合時
上貴人格修後病除無恙

魏青江宅譜三
書修方却病門

國朝

一巫山字雲岫號景崖庠生治岐黃家言以郡無名師走
謁西昌喻嘉言先生自是術益精家故饒藥籠每攜參
連等藥救人不求償也州守李疾羣醫束手山投二劑
立瘥人問其故答曰無他北人用北藥耳視脉決壽夭
多中人皆神之三子皆遊庠亦知醫

巫氏譜

潘仍桂字我生建平人武庠生能詩善畫蘭康熙壬寅
以無妄逮繫廉使獄日以畫蘭自娛獄卒售之頗得利
畫由此益精越二年得釋歸酒酣興至始一下筆索者
盈門其妾亦善畫然不及仍桂之蒼老也

縣申

廣德州志

卷三十六

方技

九

洪遠侯精幼科活人甚衆州守李周先後贈額曰理精
保赤功同慈乳李守國相又以杏林宣績獎之

公舉

沈之驥字台存初習舉業後習醫亦精幼科得洪氏秘
傳丸丹療治如神之驥子諒爲懷垂簾一肆遠近就視
者盈門毫不計值壽七十八終子廷銓字金源繼父業
謹愿如其父事親以孝稱鄉里有疑難廷銓排解之衆
皆折服乾隆甲辰鄉飲介賓現年七十三

公舉

仙釋

二氏語涉虛無故先儒闢之而史傳猶列之者以其
悟入希夷道參元妙亦自有深造自得之一境耳因
取舊志所載加之考補至王婆井投丹化醴之類移
載別門

漢

張真君諱渤句容人嘗學道於橫山師事寶林禪師昕夕
禮斗道成就山巔構北斗殿明萬曆十二年知州陸長
庚修其舊址得巨礎凡四乃真君遺蹟也萬曆志互詳祠廟

廣德州志

卷三十六

仙釋

辛

案真君或云烏程人或云句容人均難深考要其隱
居衡山學道證仙事有確據不可誣也

徐僊不知何許人南畿志明一統志俱作徐真人州南十里有山擇而居

焉即今丹井山也就山鑿井煉丹丹成仙去至今遺井

尚存萬曆志

唐

蒼仙不知何許人愛羲蒼山之勝隱居焉不笑不語時見
時隱莫測其端所居有雲棲巖洗藥澗玉女峯升仙臺
煉丹崖遺跡宛然後人為立祠羲蒼山中萬曆志

元

王當陽元初遇異人能幻化之術後遊武當山歸於郡南
平頂山建昇平道院修煉其中撰精語後端坐而化時
年九十餘矣明一統志

案南畿志明一統志所載仙釋止徐真人王當陽二
人今據萬厯志首張真君又增蒼仙

明

許真君成化間至建平淨覺寺書一詩於几上字跡高半
寸許其詩曰一派水流清繞徑數株松柏冷當門我來

廣德州志

卷三十六

仙釋

三

經宿逢秋晚踏破西階碧蘚痕寺前有塘因真君浴其

中遂名神仙塘楊志

孔師居正德間建平白鶴觀道士也嘗遇異人授以祕籙
能呼吸風雨驅役鬼神禁蛟召鶴斬魅禳星年八十口

解仙去通志以上仙

漢

寶林禪師有神術常就橫山巔一石朝夕屈膝其上諷誦

經典間出閒遊後不知所終今蟠龍亭卽石壇故址萬厯志

唐

智通禪師居橫山石壇虔心求道日誦法華一遍年八十

有六山神現羅漢形焉萬曆志

惠靜咸通中結菴竹山林巒鬱鬱惠靜初至手植荳蔬輒

有麋兔擾之因告山靈曰畱老僧駐錫當絕此害自是

麋兔屏跡其感應如此光化三年縣宰趙信為改名瑞

峯永安禪院據李約記增詳寺觀

宋

契嵩多智慧能徹禪家宗旨崇寧中賜名曰明教嵩禪師

廣德州志 卷三十六 仙釋 三

并賜寺額曰明教禪寺明太祖題橫山詩有曰上有禪

師悟透關通志萬曆志

元

亮公日本僧成宗大德七年入中土至州北之橫嶺嶺之

陽五峯森列愛其地勝遂結菴焚修焉名曰圓照年一

百八十示寂作偈云日出扶桑是我家隨波逐浪到中

華眼前光景般般別惟有寒梅一樣化成化間州守陸

鳳為記據記及亮禪師語錄增

善會字無一長沙徐氏子出家湘山嘗參雪巖欽公於仰

山見樓前樹倒有悟至大間來主東山海智禪寺因更
一 狎石溪禪寺平章昔利哈刺監郡哈那海皆執弟子禮
天厯己巳入吳泊舟一寺前呼僧語曰吾舟速矣汝舟
何遲衆莫測良久問今日何日答曰十一月十一日無
一 卽沐浴更衣笑謂衆曰何天非吾夜旦何地非吾游
戲場耶吾其逝矣遂化時年六十八還葬寶珠峯下僕
文質爲塔銘後有頑石瑱公上錫伽黎至元照又範銅
造佛云 互詳寺觀

明

廣德州志

卷三十六

仙釋

三

顯全號無礙建平人本姓鄭幼祝髮入開法寺天資穎悟
與其徒晝夜坐講堂演說人罕識之明正德丁丑年五
月十五日預示七月二十二日涅槃至期集衆誦經入
定而逝寺僧瘞其骨於殿北建塔焉 楊志

行果建平人不知其姓名自言初爲州庠生與五花巖紹
源禪師爲方外交崇禎甲申後祝髮于宜興之龍池寺
爲記室後歸五花巖終焉 據行果撰五花巖蘭若記增

國朝

僧了悟順治初人幼未嘗讀書爲石溪寺執爨誠篤不

歎四十歲後漸能識字通文理且工書今敲喝遺風獨
露堂二匾其手蹟也公舉 以上釋

宋

仙姑者宋時凌氏女父景文無子禱于亭山而生年十八
未嘗見其言笑會久旱禱雩無應姑忽曰亭山我所生
也盍隨我往祈焉卽盥浴易衣步行赤日中宗族異而
從之登山拜祝畢烈風晦冥暴雨如注衆驚走失姑所
在明晨視之則坐化山巔矣村人立祠祀之姑性好衣

白因號白衣三娘至今禱雨有應

據凌氏譜增

廣德州志

卷三十六

仙釋

三

白佛姓梅琳塘陳氏甥女姊妹三人佛第三幼慕宗旨共
誓不嫁宋紹興五年俱坐化大楊樹下鄉人伐木置水
中逆流而上因刻木祀之香火不絕楊志